

यहूदाकी टिवु यिकी

दी थेपकी कोर्ला

दी यिकी ति गेकेन मेटेड्बुतिवी तेन्दोकला च्याड्से दे ज्यितुपला यहूदाकी मीतिवाला टिवु यिन। ती गेकेन मेटेड्बुतिवी खुरुड ति वुतुड तेपा कितुप यिन सिनी दप्शे ग्यकिनोक। दी यिकी थिमें ति पत्रुसकी टिवु यिकी डियवाला दोके वे। यहूदाकी दी यिकी रोकुपतिवाला कोन्छ्योककी खोरे मीतिवाला नड्गुप तेपा ति ज्होकनी ज्योक सिनी डाडेड बिन वे।

मुला राड वोतुप लोप्च्येनतिवा

- यहूदाकी डोशी १-२
- ग्येकेन मेटेड्बुतिवी किताड नालु, येन्देन ताड ना तोड्गुप कोर्ला ३-१६
- तेपा ज्होकुपला च्याड्से देतुप १७-२३
- मोलाम २४-२५

यहूदाकी टसी देलेक

१ टसी देलेक! इ यहूदा ति याकूबकी नुप ताड येशू ख्रीष्टला शब्ज्यी कितुप मी यिन। डे छ्योक नेसुर कोन्छ्योककी कताड नङ्नी ड्रियङ्ज्ये क्या नङ्गुप ताड येशू ख्रीष्टकी ज्होकुप मीतिवाला दी यिकी ति टिवु यिनो।

२ ख्यिराडला छासे क्यानी ड्रियङ्ज्ये च्यम्बा ताड लोदिमु वुडिशता।

गेकेन मेटेड्बुतिवी कोर्ला

३ डे ड्रियङ्ज्येवु अच्युनुपतिवा, दाक्पु तेरीला थोपुप थर्वाकी कोर्ला इ ख्यिराडला टिकुपला छासे नो लासुड। यिने त याड कोन्छ्योककी खोरे मीतिवाला थेड्मा च्यिक नडिसमा नरीकी नरी लुवु तेपा ति ख्यिरा छासे रम्बु क्यानी ज्होक सिनी डाडेड तेरुपला डे दी यिकी टिकुप ति ल्यामु यिन सिनी नोसुड।

४ च्यिलासिसिन ललाइ ललाइ मीतिवा ख्यिरा पर्ला खरक्पा सोक शुनी वे। तिवी कोन्छ्योकला मेतेन्वी। तमा खोकी दाक्पुला कटिन नङ्नी दाक्पु चाड्मा जोवु तप्की दाक्पी लाका मेलोवा क्यासिनाड गिवी सिनी मीतिवाला लोप्किवी। तोजो तिराड मिन, येशू ख्रीष्टला च्यिक राड वोतुप चोवो ताड ज्यिन्दाक सिनी तेपा साड मिकिवी। तुका मीतिवाला क्येन फोकुप कोर्ला गोमाला के

कोन्छ्योककी सुडगी नाड्ला टिनी नोक।

५ ती ताम्डे ति ख्यिराडला छ्या राड वे, यिन्सिनाड इ ताम्डे चेयी ख्यिराडला टेन्सो कि ज्यितिन। चोवोकी मीतिवाला मिश्र लुड्बा नेसुर तेन्नी वावु मीतिवी नाड्ला तेपा मिकिवु गिपातिवाला खोकी तेरी पुसुकी डो च्यिसुड। ६ तमा खोरो ओङ्ज्येन सिनाड पाड्ला डोप ताड खोप्रे दासा क्युर्नी ज्योकुप देवाच्येनकी लेन क्योलुप थुतिवाला साड खोकी ठिम कितुप तुजे ग्येर्पु सेककी थोकला नाम्साड पि मोशोरुप च्यातकला टानी नक्तोमीला उम ज्याक्नी वे। ७ तुक राड क्यानी सदोम ताड गमोरा ताड तिवी गारी गुरीकी ग्येसाकी मीतिवी साड रे ताड ड्यी क्यानी छ्येवु छ्येमु कितुप ताड डोजु मेतुप शम्डेनतिवा क्यासुड। तमा तिवा नाम्साड मिशिवु मे नाड्ला ख्येलनी तिवी क्यावु लाका मेलोकपाकी थोकला तिवाला मेकी छ्येर्पा फोकुप नमुना च्युड्सुड।

८ तुक राड क्यानी तिवी साड मिलाम थोङ्नी खोप्रे जु ति मेटेड्बु जेवी, तमा चोवोकी ओङ्ज्येनला साड मेड्येन्दिवी, देवाच्येनकी लेन क्योलुप थुतिवाला साड मारे तोडिगवी। ९ देवाच्येनकी लेन क्योलुप थु छ्ये मिखाएलकी मोशाकी फुड्बुकी कोर्ला शैतानकी मुला खाँदा कितुप पेला मिखाएलला ड्रियर्मु लासिनाड

शैतानला क्येन माग्यप्नी “चोवोकी ख्युरुडला कप्क्येन नडिगवी।” तिराड सिक्क्यासुड। १०यिने ती मीतिवी याड खोरो हाक राड माकोवु ताम्डे चुकै यिन्सिनाड मारे तड्नी क्येन तेर्किवी। तमा तिवी तेरी ताम्डेतिवा ल्यामु हाककोकिवी सिनी रिक्पा मेतुप छयुड्मातिवा दोके क्यानी लाका किवी। तुक क्यानी तिवा रिक्पा मेतुप लाकाकी तेन्दोकला राड ना डिवी।

११ती मीतिवा मोताप सुकुप यिनो! च्यिलासिसिन तिवा कयिनकी दला शुसुड। टड्गी देर्पाला ख्येलनी बालामकी दोके मीतिवाला जिनोक जोसुड। तमा कोरहकी दोके कोन्छ्योककी तेन्दोकला लानी तिवा कोरह दोके ना डिवी। १२ती मीतिवा ख्यिरा डेन साप पेला ख्यिराडला मारेला जोप तिराड यिन। च्यिलासिसिन तिवा मी यम्बाला इयाम माक्यानी खोप्राड खोक्पा ग्येड्गुप नासाम तिराड तोडिगवी। तिवा ति वुर्तुककी फार छुर शरुप छ्यर्वा माग्यकुप मुक्पा ज्हेमे दोके यिन। तमा येर्वु साड डेलु मोगोरुप दोड्बु मार ताड डेके पल्नी तेरी कम्बुप गल्नी शेष दोके यिन। १३तिवा ग्येम्छो नडगी ज्यिवा लड्गुप छ्यी बालाप दोके वे। तमा रडगी डोजु मेतुप लाका ति ग्येम्छोकी बोवा दोके क्यानी छ्या देन्गिवी। तमा तिवा ख्यम्नी गलुप

कर्मा दोके गल वे। तिवा नरीकी नरी सेक ज्यिवा लड्गुप नक्तोमी दासाकी थोकला सानी ज्याड वे।

१४तीकी कोर्ला आदमकी गिपा दिन्बा हनोककी साड दुक सिनी नम्दर शेन वे, “ल्होसा, छासे देवाच्येनकी लेन क्योलुप थु मड्मुकी मुला चोवो फेपिन वोतो। १५खो फेप्सिमा तुका लाका मेलोक्पा क्यावु मीतिवाला ठिम क्या नडिगवी। तमा तिवी क्यावु नम्बा मेटेड्बुकी लाकातिवा तेरी ताड खोकी तेन्दोकला क्यावु ताम्डे मेटेड्बु तेरीकी थोकला पचर्या तोडिगवी।”*

१६तुका मीतिवा नरी ड्योशोक ड्योशोक सिरुप ताड नरी मी यम्बाला क्येन तेरुप छोलुप ताड खुरुड राड नोवा मेलोवाला युक्पु ताड ड राड छ्ये यिन सिनी नोकिंतुप ताड खोरो ख्येप्साडकी थोकला मी यम्बाला ख शिम्बु जोप गिवी।

टेमु कितुप कोर्ला टोड्गु

१७यिने ड्यिड्ज्येवु अच्युनुपतिवा, ख्यिराड ति दाक्पी चोवो येशू ख्रीष्टकी लोमा छ्येतिवी गोमाला सिक्क्यावु ताम्डेतिवा नासाम तोड। १८तिवी ख्यिराडला दुक सिक्क्या वे, “जम्बुलिडकी तिड्मी तुजेला कोन्छ्योकला मोवा माक्यानी खोप्रे नोवा मेलोक्पाला युनी ख्यिराडला मचर्या कितुप मीतिवा वुडिगतो।”*

१६तिवा ति ख्यिराडला क्येड्सु जोप मीतिवा यिन। तिवा जम्बुलिडकी नोवाला राड युकिवी। तुक क्यानी तिवी मिजीला कोन्छ्योककी थु चाड्मा मेवी। २०यिने अच्युनुपतिवा, ख्यिराड ति छासे चाड्मा वोतुप तेपाला रम्बु च्युड्नी फेलिन ग्युक। तमा कोन्छ्योककी थु चाड्माकी ओडला देनी मोपोर किसा। २१तमा दाक्पी चोवो येशू ख्रीष्टकी नाम्साड मिशिवु मिजी नड्गुप च्यम्बाकी थोकला गुनी देतुप पेला कोन्छ्योककी नड्गुप ड्रियड्ज्येला क्युर्नी माज्योक। २२कोन्छ्योककी सुडगी थोकला सेमला नाम्दोक कितुपतिवाला च्यम्बा की। २३ललाइ ति मे बरुप ड्येलाला ख्येलिगी, तिवाला ति ती

नेसुर ज्होक। तमा यम्बाला ति ज्यिवा क्यानी च्यम्बा की। यिने च्याड्से देता, तिवी दिक्पा क्यावु दोके काड साड लुमु मासेनी ती नेसुर क्येड्सु दे।

मोलामकी मोपोर

२४दाक्पी कोन्छ्योककी ख्यिराडला दिक्पा ने ज्होकुप ताड क्येन मेटुप जोनी खोकी मोवाकी चिप्ला लोदिमु क्यानी टिनी डिवी। २५खो ति च्यिक राड ज्यु वोतुप कोन्छ्योक यिन, खो ति येशू ख्रीष्ट नेसुर दाक्पुला थर्वा नड्गुप कोन्छ्योक यिन। खोला तेरी मोवा ताड ताड्देन ताड डार ताड ओड्ज्येन ति थल्मा नेज्यु तन्दा सेक तसाम नेज्यु तिड्ला सेक नरीकी नरी वुड्शी, आमिन।

